

家

藏

蒙

筌

八

家藏蒙全卷之七

鼻病

藏書

後學王世鍾小溪氏纂輯

鼻爲肺竅又爲天牝乃宗氣之道謂宗氣者卽胃中生發之氣也而實心肺之門戶經曰五氣入鼻藏於心肺心肺有病鼻爲之不利也然其經絡所至專屬陽明自山根以上則連太陽督脈以通於腦故此數經之病皆能及之若其爲病因寒邪而窒塞者謂之鼻鼽時流濁涕而或多臭氣者謂之鼻淵又爲腦漏有寒邪未盡虛熱漸熾膿涕結聚香臭不聞或生瘰肉而阻塞氣道者謂之鼻鼈有濕熱乘肺薰蒸面鼻血熱爲寒所拂色紅凝滯不散謂之鼻鼈及有噴嚏鼻衄酒皸赤鼻之類皆臟腑不

調邪氣鬱於鼻而清道壅塞矣當各辨而治之總之鼻病無他
也非外感風寒卽內火上炎外感者治宜辛散解表內火者治
宜利膈去熱此治法之大畧也

鼻流濁涕不止者名曰鼻淵又爲腦漏乃風熱燄腦而液下滲
或黃或白或帶血如膿狀或作臭氣原病式曰如以火燄金熱
極則反化爲水然究其原必腎陰虛而不能納氣歸元故火無
所制上炎肺金由是津液之氣不得下降併於空竅轉濁爲涕
津液爲之逆流矣此症初起易治久則難愈雖屬熱邪須知內
炎之火與外感之火不同外感之火宜辛散內炎之火宜清降
至於久病陰陽兩傷宜詳病施治又不可純用寒涼矣如補中

益氣湯麥味地黃湯十全大補湯之類皆可擇用

陽明胃脈挾鼻上行若飢飽勞役損傷脾胃則生發之氣弱而營運之氣不能上升乃邪塞空竅故鼻不利而不聞香臭也治宜先散寒邪後補胃氣使宗氣上升則鼻利而香臭自聞矣神愈散 治風熱在肺鼻流濁涕窒塞不通並治不聞香臭

細辛白芷與防風羌活當歸半夏芎桔梗茯苓陳皮輩十般等分挫和同三錢薄荷薑煎服氣息調勻鼻窒通

辛荑散 治肺虛爲四氣所干鼻內壅塞涕出不已或氣不通不聞香臭

辛荑

川芎

細辛

白芷

升麻

防風

羌活

藁本

炙草

木通

蒼耳子

五錢

共為末每服二錢茶清調下

蒼耳散 治鼻流濁涕不止名曰鼻淵

蒼耳子錢半 辛荑仁錢五 薄荷葉錢五 香白芷一兩

右為細末每服二錢葱湯或清茶食後調下

防風散 治鼻淵濁涕不止

防風一兩 人參 麥冬去心 炙草 川芎 黃芩各七錢

右為細末每服二錢沸湯調食後日三服

荊芥散 治肺風酒皸鼻赤瘰

荊芥穗四兩 防風 杏仁去皮尖 白蒺藜炒去刺 僵蚕炒

炙草各一兩 右為末每服二錢食後茶清調下

腦漏秘方

治鼻中時時流臭水甚者亦痛俗名控腦砂有重食腦中

用絲瓜藤近根三五尺許燒存性為細末酒調服立愈

鼻淵神方

茄花陰乾

赤小豆各等分

右為細末吹入鼻內不過三次即愈

新方清熱飲

治鼻淵內火上炎此即高者抑之之法也

黃芩 三錢

石膏搗碎 三錢

生地 三錢

麥冬

去心 三錢

川芎

二錢

連翹 三錢

赤芍 二錢

梔子

白蒺藜生搗各 三錢

蒼耳子

二錢

長燈心

三錢

根扯碎

水煎食遠服

菖蒲散

治鼻塞塞不通不得喘息

菖蒲

皂角

各等分

右為末每用一錢綿裹塞鼻中仰臥片時不效另換藥再塞

輕黃散

治鼻中瘰肉

輕粉一錢

杏仁

去皮尖一錢

明雄

五錢

麝香

少許

先將杏仁搗成泥餘藥研細勻收磁盒蓋定夜臥點米粒

許於鼻中每夜點一次半月見效

黃白散

治鼻鼽瘰肉鼻痔等症

雄黃

白礬

細辛

附瓜蒂

炒各等分

右爲細末以雄犬胆汁爲劑如棗核塞鼻中如無胆或以麻油和丸塞鼻亦可或雄猪胆亦可

肺風紅鼻方

枇杷葉

去毛淨蜜炙四兩

連翹

二兩

梔子

四兩童便炒黑色

玄參

酒浸焙乾

桑白皮

去粗皮蜜炙各一兩

右爲細末每服三錢淡甘草湯下再用後敷藥

敷紅鼻方

雄黃

明礬

硫黃

乳香

各等分

麝香

少許

右爲細末用蜜水調敷

二神散

治赤鼻久不愈

大黃

朴硝

等分

共爲末津調塗鼻

一方 治赤鼻每日用雄猪胆調酒服不過半月如舊

一方 治鼻中生肉贅鼻不可近痛不可搖用白礬末加礪砂

少許吹其上頃刻化水而消內服清濕熱之藥

茜根散

治衄血不止

茜草根

黃芩

阿膠

炒珠

側柏葉

生地

各三錢

炙草

一錢

水煎服

四生丸

治衄血吐血陽乘於陰血熱妄行

生荷葉

生艾葉

生地黄

生側柏葉

各五錢
共搗爛

水煎服

犀角地黄湯

治勞心動火熱入血室衄血發狂
發黃及小兒痘瘡血熱等證

生地

四錢

芍藥

丹皮

犀角

鎊

挫細末各一錢半
若生磨對服更炒

一方

治火甚者於本方內加黃連黃芩各一錢

治鼻疳爛通鼻孔方

鹿角一兩 白礬八錢

右二味俱放在砂罐內煨紅後加火髮五錢一並煨過共爲細末先用花椒湯洗淨摻藥末於疳上三四次卽愈如瘡不收口用瓦松燒灰存性研末乾摻之卽收

一方治鼻衄並鼻中流涕不乾用獨蒜四五個搗如泥隨左右貼足心用絳蓋之

一方治鼻衄不止用亂髮燒灰存性研細水調服並吹鼻中

一方治鼻衄不止用白芨末新汲水調服

一方治鼻衄不止用絳數十層凉水浸濕安頂中以火

熨之絳乾立止

又法以線繫中指中節左孔出血紫左指右孔紫右兩孔出血

但紫

補中益氣湯十全大補湯麥味地黃湯即六味地黃湯加麥冬五味子三方俱見補益

一方治鼻衄血以龍骨爲細末吹入鼻中少許即止凡九竅出

血用此皆能治之

止鼻衄血歌

石榴花辨可以塞

蘿蔔藕汁可以滴

火煨龍骨可以吹

水煎茅花可以喫

又 墻頭苔蘚可以塞

車前草汁可以滴

火煨蓮房可以吹

水調鍋煤可以喫

一方治鼻塞不通用火葱一大束去根約三四兩搗爛炒熱置

頂心顙會穴若不熱乃以熨斗或火從上熨蒸候鼻內作熱

氣方任未通再作餅熨之其有嬰兒傷氣鼻塞不能吮乳者
但用天南星為末以生薑自然汁和作薄餅用兩掌合煖或
用火烘煖置顙上片時即通

一方治衄血吐血用

血藤

茜草根

牛膝根

各七錢

右三味共搗爛水煎服神效

新方四物金荳湯

治鼻衄血服之即止

生地黃

當歸

三錢醋炒

川芎

一錢五分

生白芍

三錢

鬱金

三錢

水煎臨服用新鮮荳菜搗爛取汁對服

防風湯

治鼻塞不聞香臭

防風

麻黃

官桂

各二錢半

升麻

梔子

三錢半

木通

石膏

五錢
搗碎

水煎服

聲瘖

聲音者雖出於肺而根本實在於腎病有虛實由欬嗽而起者居多有木火上炎刑於肺金咽乾喉痺而瘖者有外感寒邪傷肺而瘖者有風熱痰涎壅遏肺竅而瘖者有嗔怒叫號致傷會厭者而有龍相之火上燦肺金久欬不已而瘖者有內奪而厥則爲瘖俳此腎虛也蓋肺屬金金空則鳴金實無聲金破亦無聲金實者肺被邪氣所干也金破者因虛損傷肺金也其治法有寒者散之有火者清之有風痰則祛風豁痰若龍相之火上

燥肺金者宜金水同治若色慾傷陰宜峻補腎或稍兼痰火以治但初病者易治久病者難治脈滑緩者易治細數者難治其用藥總宜甘潤而不宜苦燥斯得之矣

一方治失聲不出用蘿蔔搗自然汁入生薑汁少許時時細飲之

一方治無故失聲用橘皮三兩杏仁去皮尖五錢微炒搗碎水

煎對生薑汁少許金竹油一酒鍾溫服

杏仁煎治欬嗽暴重聲音不出

杏仁去皮尖一兩研細

蜂蜜

生薑汁

砂糖各一兩小盞

木通

桑白皮 貝母

紫苑茸

北五味各一兩

石菖蒲

款冬花各一兩

右將七味水煎濃去滓入杏仁蜜薑糖四味合和微火煎好每

服七八錢作兩日夜服之

鐵笛丸

治謳歌動火失音不語者神效

蘇薄荷葉

四兩

連翹

桔梗

甘草

各二兩五錢

川芎

百藥煎

各一兩半

訶子

火煨

砂仁

各一兩

大黃

酒蒸五錢

右為細末雞子清和丸彈子大臨臥嚼化一丸或煉蜜為丸亦妙

新方金水丸

治水虛火炎金燥聲嘶失音

熟地

生地

各一兩

當歸

天冬

去心

麥冬

各五錢

人參

三錢

龜膠

七錢

阿膠

五錢

人乳

牛乳

羊乳

各一碗

白苓

七錢

蜜丸梧子大每服八九十丸訶子煎湯下

竹衣麥門冬湯

白一切勞瘵痰嗽以致聲啞不出者神效

金竹衣即金竹內白 金竹茹二錢 麥冬去心 橘紅一錢 甘草分

白茯苓 桔梗各錢 杏仁十四粒去皮尖研

右照水一鍾半加淡竹葉二十四片煎七分入金竹濕一盃和勻服

菖蒲湯治中風寒驚搐失聲

石菖蒲 天麻 金蝎 僵蠶 羌活 製附子

炙甘草 人參 志肉 桔梗 荊芥穗各一錢 水煎服

竹瀝膏治牙關緊急失音不語

金竹瀝一大茶鍾 生地黃三兩 蜂蜜一大茶鍾 上肉桂去皮另煎五錢後下

菖蒲一兩為末

右拌勻慢火熬成膏時方加肉桂末和勻取上甜梨汁化下

吉氏方 治病後失聲

棗仁 三錢 微炒

白茯神 一錢 半

硃砂 五錢

右爲細末丸如菜豆大人參湯下

三拗湯

治感冒風寒鼻塞聲重語音不出 欬嗽喘急胸滿多痰

麻黃

連節用

杏仁

連皮尖 搗用

生甘草

右咀每服五錢薑三五片水煎食遠服若憎寒惡風欲取汗

解加桔梗荆芥名五拗湯治咽痛

訶子甘桔湯

治火盛 失音

訶子

四枚半 生半煨

桔梗

一兩半 生半炒

甘草

二寸 生半炙

右咀分二服每服水一鍾重便一鍾煎八分食後溫服

若因虛損失音者宜於補益門內量證擇方施治以救本爲

務